

NEFND UM EFTIRLIT MEÐ LÖGREGLU

Borgartúni 29, 105 Reykjavík

Sími: 545 8800

Netfang: nel@nel.is

Ríkissaksóknari
Ríkislögreglustjóri
Héraðssaksóknari
Lögreglustjórinn á höfuðborgarsvæðinu
Lögreglustjórinn á Vesturlandi
Lögreglustjórinn á Vestfjörðum
Lögreglustjórinn á Norðurlandi vestra
Lögreglustjórinn á Norðurlandi eystra
Lögreglustjórinn á Austurlandi
Lögreglustjórinn á Suðurlandi
Lögreglustjórinn á Suðurnesjum
Lögreglustjórinn í Vestmannaeyjum

Reykjavík 16. maí 2025

Tilvísun: NEL 25050003

Nefnd um eftirlit með lögreglu tók ákvörðun á fundi nefndarinnar, þann 9. maí 2025, að hefja frumkvæðisathugun á grundvelli c-liðar 1. mgr. 35. gr. lögreglulaga nr. 90/1996. Frumkvæðisathugun nefndarinnar er tvíþætt og snýr annars vegar að verklagi er varðar geymslu gagna sem varða rannsóknir sakamála og hins vegar reglur um aukastörf lögreglumanna.

I.

Nefndin óskar eftir upplýsingum um hvernig staðið er að eftirfarandi hjá embættinu:

- Varðveislu gagna, eyðingu þeirra, bæði að því er varðar öll gögn sem varða rannsóknir sakamála, þ.m.t. vinnugögn auk allra gagna sem aflað er á grundvelli dómsúrskurðar eða með samþykki.
- Vörnum/tæknilausnum til að koma í veg fyrir afritun gagna, bæði að því er varðar öll gögn sem varða rannsóknir sakamála og gagna sem aflað er á grundvelli dómsúrskurðar eða með samþykki.
- Skrásetningu á hvenær og hvaða starfsmenn lögreglu hafa opnað, skoðað eða breytt skjölum sem varða rannsóknir sakamála.
- Að tryggja að fyrirmælum ríkissaksóknara um símhlustanir, nr. 12/2017, sé fylgt hjá embættinu.
- Að tryggja að uppflettingar í LÖKE séu ávallt rekjanlegar til einstakra lögreglumanna og sé einungis beitt í lögmaeltum tilgangi.

Einnig óskar nefndin eftir öllum verklagsreglum sem varða framangreint, hvort sem þær eru opinberar eða ekki.

II.

Að því er varðar aukastörf lögreglumanna óskar nefndin eftir upplýsingum um eftirfarandi:

- Hvort reglum nr. 919/2019 um aukastörf lögreglumanna hafi verið fylgt og hvernig verklagi við eftirfylgni sé háttað.
- Hvaða afleiðingar það hafi ef lögreglumaður tekur að sér aukastarf án þess að tilkynna það til lögreglustjóra eða í trássi við gildandi reglur eða fyrirmæli lögreglustjóra.

Samkvæmt 6. mgr. 35. gr. a. lögreglulaga er ríkissaksóknara, héraðssaksóknara og lögreglustjórum skylt að afhenda nefndinni þær upplýsingar sem hún þarf til að sinna starfsskyldum sínum.

Á grundvelli framangreinds er hér með farið fram á að nefnd um eftirlit með lögreglu verði látið í té allar upplýsingar og eftir atvikum svör við þeim spurningum sem lagðar hafa verið fram. Þá er þess óskað að upplýsingarnar berist svo fljótt sem auðið er, en **eigi síðar en 30. maí næstkomandi.**

Nefnd um eftirlit með lögreglu

Margrét Einarsdóttir

formaður

Flosi H. Sigurðarson

Kristín Edwald